



Atvinnuvega- og nýsköpunarráðuneytið  
Skúlagata 4, 101 Reykjavík

Reykjavík: 12.03.2021

**Efni: Frumvarp til laga um breytingu á lögum um pakkaferðir og samtengda ferðatilhögun (Ferðatryggingasjóður)**

Alþýðusamband Íslands styður meginefni frumvarpsins og telur það fela í sér aukna neytendavernd og mikilvægar úrbætur á núverandi tryggingakerfi sem tryggir ekki fulla endurgreiðslu til neytenda, komi til gjaldþrots eða rekstrarstöðvunar ferðaskrifstofa. Undir því kerfi hafa neytendur ekki getað treyst á að fá endurgreiðslu vegna viðskipta sinna við ferðaskrifstofur, komi til ógjaldfærni eða rekstrarstöðvunar, þar sem gildandi tryggingakerfi sér ekki til þess að tryggingar ferðaskrifstofa séu fullnægjandi og dugi fyrir kröfum. Neytendur hafa því hingað til átt á hættu að bera skarðan hlut frá borði í viðskiptum sínum við ferðaskrifstofur.

Ferðatryggingasjóður, sem er það kerfi sem er lagt til að taki við af núvarandi tryggingakerfi í fyrirliggjandi frumvarpi, er betur til þess fallinn að vernda hagsmuni neytenda og tryggja að þeir fái endurgreitt ef pakkaferðir eða samtengd ferðatilhögun er ekki framkvæmd í samræmi við viðskiptasamninga vegna ógjaldfærni, rekstrarstöðvunar eða gjaldþrots.

Virðingarfyllst,

f.h. Alþýðusambands Íslands,

Auður Alfa Ólafsdóttir